



---

Broj: 03-50-1-61-7-1/10

Sarajevo, 14. 04. 2010.

**PLAN RADA**  
**NEZAVISNOG ODBORA KAO NEZAVISNOG TIJELA POLICIJSKE STRUKTURE**  
**ZA 2010. GODINU**

**April 2010. godine**

Na osnovu člana 7. stav (1) tačka b) Zakona o nezavisnim i nadzornim tijelima policijske strukture Bosne i Hercegovine i člana 9. tačka b) Poslovnika o radu Nezavisnog odbora kao nezavisnog tijela policijske strukture Bosne i Hercegovine, Nezavisni odbor kao nezavisno tijelo policijske strukture Bosne i Hercegovine na 7. sjednici održanoj 14. 04. 2010. godine usvojio je i Parlamentarnoj skupštini Bosne i Hercegovine dostavlja

## **PLAN RADA NEZAVISNOG ODBORA KAO NEZAVISNOG TIJELA POLICIJSKE STRUKTURE BOSNE I HERCEGOVINE ZA 2010. GODINU**

### **I. - UVODNI DIO**

Na osnovu člana 2. Zakona o nezavisnim i nadzornim tijelima policijske strukture Bosne i Hercegovine („Službeni glasnik BiH" broj: 36/08), uspostavljen je Nezavisni odbor kao nezavisno tijelo Parlamentarne skupštine BiH koji je nadležan za: provođenje procesa odabira kandidata i predlaganje smjenjivanja policijskih rukovodilaca i zamjenika rukovodilaca policijskih tijela BiH; objavljivanje javnih konkursa i razmatranje prijave kandidata, način vršenja odabira kandidata za rukovodioce i za zamjenike rukovodilaca policijskih tijela BiH, razmatranje pritužbi na rad rukovodilaca i zamjenika rukovodilaca policijskih tijela BiH, iniciranje pokretanja disciplinskog postupka protiv rukovodilaca i zamjenika rukovodilaca policijskih tijela BiH, predlaganje smjenjivanja rukovodilaca i zamjenika rukovodilaca policijskih tijela BiH za čiji izbor je nadležan, ukoliko su počinili krivično djelo, odnosno ukoliko počine tešku povredu službene dužnosti, osim za krivična djela iz oblasti sigurnosti saobraćaja, prikupljanje podataka i vođenje odgovarajućih evidencija u skladu sa zakonom i drugim propisima.

Nezavisni odbor u svom radu djeluje isključivo na profesionalnim osnovama, ne zastupajući, ne štiteći niti podrivajući interese bilo koje političke stranke, registrirane organizacije ili udruženja ili bilo kojeg naroda u Bosni i Hercegovini. Stoga će Nezavisni odbor u svom radu stvarati uslove za zakonitost rada policijskih tijela BiH i biti u ulozi nezavisne kontrole rukovodilaca i zamjenika rukovodilaca policijskih tijela, te praćenje njihovog rada kao i uslova i standarda za postupanje policijskih tijela BiH.

## **II. -PROGRAMSKE AKTIVNOSTI**

Nezavisni odbor će svoje programske aktivnosti usmjeriti na to da se u zadatim rokovima izaberu rukovodioci i zamjenici rukovodilaca policijskih tijela BiH, da se prati i nadzire njihov rad, kako bi se stvorili uslovi za efikasnu i pravilnu provedbu zakona.

Nezavisni odbor će vršiti aktivnosti u skladu sa nadležnostima koje su određene Zakonom o nezavisnim i nadzornim tijelima policijske strukture Bosne i Hercegovine i drugim zakonima i propisima vazanim za ovu oblast. Jedna od važnih aktivnosti Nezavisnog odbora odnosit će se na sagledavanje stanja i problema u radu policijskih tijela BiH, praćenju rada izabranih rukovodilaca i njihovih zamjenika. U toku 2010. godine neophodno je ostvariti punu saradnju sa Vijećem ministara BiH, Ministarstvom sigurnosti BiH, policijskim tijelima Bosne i Hercegovine i drugim institucijama u BiH, a sve s ciljem stvaranja uslova za efikasan i zakonit rad policijskih tijela Bosne i Hercegovine.

Nezavisni odbor će u svom radu ostvarivati saradnju i sa međunarodnim tijelima i organizacijama kao i sa predstavnicima Evropske unije, koji prate rad policijskih tijela u BiH. U realizaciji navedenih programskih aktivnosti Nezavisni odbor će zahtijevati određene informacije i podatke od nadležnih tijela i organa u BiH, a administrativno-tehničku podršku Nezavisnom odboru pružat će Zajednička služba Parlamentarne skupštine BiH.

## **III. REALIZACIJA PROGRAMSKIH AKTIVNOSTI NEZAVISNOG ODBORA**

- 1. Provođenje i okončanje procesa odabira direktora i zamjenika direktora Granične policije BiH, direktora i zamjenika direktora Direkcije za koordinaciju policijskih tijela BiH i zamjenika direktora Državne agencije za istrage i zaštitu i dostavljanje liste uspješnih kandidata ministru sigurnosti BiH, u skladu sa zakonom, Poslovníkom o radu i drugim propisima.**

**NOSILAC:** Nezavisni odbor, Ministarstvo sigurnosti BiH, Vijeće ministara BiH.

**ROK:** - Februar 2010. godine.

**2. Održavanje redovnih sjednica Nezavisnog odbora najmanje jednom mjesečno, a po potrebi i češće**

**NOSILAC:** Nezavisni odbor, sekretar Nezavisnog odbora, Zajednička služba Parlamentarne skupštine BiH.

**ROK:** - Kontinuirano tokom 2010. godine.

**3. Razmatranje pritužbi na rad rukovodilaca i zamjenika rukovodilaca policijskih tijela BiH i obavještavanje o tome ministra sigurnosti BiH i Vijeća ministara BiH**

**NOSILAC:** Nezavisni odbor.

**ROK:** - Kontinuirano tokom 2010. godine.

**4. Iniciranje pokretanja disciplinskog postupka protiv rukovodilaca i zamjenika rukovodilaca policijskih tijela BiH**

**NOSILAC:** Nezavisni odbor.

**ROK:** - Kada se ocijeni opravdanim od strane Nezavisnog odbora tokom 2010 godine.

**5. Predlaganje smjenjivanja rukovodilaca i zamjenika rukovodilaca policijskih tijela BiH za čiji izbor je nadležan ako su počinili krivično djelo, odnosno ako počine tešku povredu službene dužnosti, osim za krivična djela iz oblasti sigurnosti saobraćaja, kao i u slučaju ako utvrdi da ne postizu odgovarajuće rezultate ili ako su žalbe građana i drugih subjekata na njihov rad osnovane.**

**NOSILAC:** Nezavisni odbor.

**ROK:** - Kada se ocijeni opravdanim od strane Nezavisnog odbora tokom 2010. god.

**6. Pribavljanje podataka od Ministarstva sigurnosti BiH o trajanju mandata i eventualno upražnjenim pozicijama direktora i zamjenika direktora policijskih agencija iz nadležnosti Nezavisnog odbora**

**NOSILAC:** Nezavisni odbor i Ministarstvo sigurnosti BiH.

**ROK:** - April 2010. godine.

**7. Učešće na seminarima i uspostavljanje saradnje sa policijskim tijelima Bosne i Hercegovine i drugim organima u BiH**

Tokom 2010. godine Nezavisni odbor će u skladu sa finansijskim mogućnostima i objektivnim okolnostima, učestvovati na seminarima, te uspostaviti potrebnu saradnju sa policijskim tijelima BiH i drugim nadležnim organima u BiH, radi obavljanja poslova i zadataka iz svoje nadležnosti a sve s ciljem stvaranja uslova i standarda za efikasan rad policijskih tijela BiH.

**NOSILAC:** Nezavisni odbor, sekretar Nezavisnog odbora, Zajednička služba Parlamentarne skupštine BiH.

**ROK:** - Kontinuirano tokom 2010. godine, odnosno po ukazanoj potrebi i u skladu sa finansijskim mogućnostima.

**8. Saradnja sa predstavnicima Evropske unije, Policijskom misijom Evropske unije u BiH (EUPM), Međunarodnim programom pomoći u kriminalističkoj obuci (ICITAP) i drugim međunarodnim i domaćim vladinim i nevladinim organizacijama u pogledu angažiranja i kandidiranja na adekvatnim projektima, studijskim posjetama i razmjenama iskustava iz nadležnosti Nezavisnog odbora**

**NOSILAC:** Nezavisni odbor.

**ROK:** - Kontinuirano tokom 2010. godine, odnosno po ukazanoj potrebi.

**9. Saradnja i razmjena podataka i iskustava sa Odborom za žalbe građana Parlamentarne skupštine BiH i Odborom za žalbe policijskih službenika Vijeća ministara BiH, kroz održavanje zajedničkih sastanaka i kroz druge dogovorene aktivnosti**

**NOSILAC:** Nezavisni odbor.

**ROK:** -Prvi sastanak planirati u aprilu 2010. godine, a ostale sastanke i aktivnosti po dogovoru i po potrebi.

**10. Održavanje zajedničkih sastanaka i uspostavljanje saradnje sa Vijećem ministara BiH, te sa drugim radnim tijelima Parlamentarne skupštine BiH, sa posebnim akcentom na Zajedničku komisiju za odbranu i sigurnost s ciljem**

**NOSILAC:** Nezavisni odbor, sekretar Nezavisnog odbora, Zajednička služba Parlamentarne skupštine BiH.

**ROK:** - Prvi sastanak planirati u aprilu 2010. godine, a ostale sastanke i aktivnosti po dogovoru i po potrebi.

**11. Održavanje zajedničkog i pojedinačnih sastanka sa direktorima i zamjenicima direktora policijskih agencija BiH s ciljem sagledavanja stanja njihovog rada i rada policijskih agencija na nivou BiH**

**NOSILAC:** Nezavisni odbor, sekretar Nezavisnog odbora, Zajednička služba Parlamentarne skupštine BiH.

**ROK:** - Prvi sastanak planirati u aprilu ili maju 2010. godine, a ostale sastanke i aktivnosti po dogovoru i po potrebi.

**12. Studijske posjete i seminari u zemljama Evropske unije i drugim zemljama, radi razmjene iskustava**

Kroz programe pomoći BiH, posebno kroz Instrument predpristupne pomoći - IPA, Instrument za tehničku pomoć i razmjenu TAIEX i uz podršku Zajedničke službe Parlamentarne skupštine BiH planirati studijske posjete s ciljem razmjene iskustava između sličnih tijela i policijskih agencija u zemljama Evropske unije i drugih zemalja.

**NOSILAC:** Nezavisni odbor, sekretar Nezavisnog odbora, Zajednička služba Parlamentarne skupštine BiH.

**ROK:** - Tokom 2010. godine, zavisno od mogućnosti i odobrenih sredstava i projekata.

**13. Druge aktivnosti i obaveze po ukazanoj potrebi i na osnovu zaključaka Nezavisnog odbora**

**NOSILAC:** Nezavisni odbor, sekretar Nezavisnog odbora, Zajednička služba Parlamentarne skupštine BiH.

**ROK:** - Po potrebi tokom 2010. godine i na osnovu zaključaka Nezavisnog odbora.

#### **14. Obrada podataka i vođenje evidencija u skladu sa zakonom i drugim propisima**

**NOSILAC:** Nezavisni odbor, sekretar Nezavisnog odbora, Zajednička služba Parlamentarne skupštine BiH.

**ROK:** - Kontinuirano tokom 2010. godine.

#### **15. Izvještaj o radu Nezavisnog odbora kao nezavisnog tijela policijske strukture Bosne i Hercegovine.**

Krajem 2010. godine, odnosno početkom 2011. godine Nezavisni odbor će dostaviti Parlamentarnoj skupštini BiH izvještaj o radu za 2010. godinu, a po potrebi će dostavljati posebne izvještaje na zahtjev Parlamentarne skupštine BiH ili na zahtjev Predsjedništva BiH i Vijeća ministara BiH.

**NOSILAC:** Nezavisni odbor, sekretar Nezavisnog odbora, Zajednička služba Parlamentarne skupštine BiH.

**ROK:** - Kontinuirano tokom 2010. godine.

#### **IV - MATERIJALNO-TEHNIČKA SREDSTVA**

Nezavisni odbor u realizaciji godišnjih programskih aktivnosti će koristiti usluge administrativno-tehničke podrške Zajedničke službe Parlamentarne skupštine BiH, koja se između ostalog odnosi i na osiguranje neophodnog kancelarijskog materijala, računara, projektora, radnih prostorija i prostorija za čuvanje dokumentacije i administrativno - tehničkih sredstava s ciljem efikasnog i neometanog rada Nezavisnog odbora.

**NOSILAC:** Nezavisni odbor, sekretar Nezavisnog odbora, Zajednička služba Parlamentarne skupštine BiH.

**ROK:** - Kontinuirano tokom 2010. godine.

#### **V. - PREPORUKE I ZAKLJUČCI**

Nezavisni odbor će realizacijom programskih aktivnosti tokom 2010. godine, a ostvarujući planirane aktivnosti u skladu sa odredbama Zakona o nezavisnim i nadzornim tijelima policijske strukture Bosne i Hercegovine, povećati sveukupnu efikasnost u radu policijskih tijela Bosne i Hercegovine.

Osiguranjem materijalno-tehničkih uslova neophodnih za rad Nezavisnog odbora, bitno će se uticati na realizaciju navedenih aktivnosti i stvorit će se uslovi za provođenje Zakona o nezavisnim i nadzornim tijelima policijske strukture Bosne i Hercegovine, drugih zakona i propisa Bosne i Hercegovine.

P R E D S J E D N I K  
NEZAVISNOG ODBORA

Žiko Krunić